

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第五十二輯
沈雲龍主編

盛京奏議

佚名輯

(手抄本)

文海出版社
有限公司
印行

恭親王等

初次會議 奏為遵

旨會議具奏仰祈

聖鑒事同治六年四月二十日軍機處交出

盛京侍郎額勒和布等具奏游民私墾禁地呈請升科一摺奉

旨額勒和布等奏游民私墾禁地呈請升科請飭廷臣集議並陳與將

軍都興阿等等商兩歧各摺片著派恭親王會同大學士六部九卿



公同商議妥籌具奏前陛見來京之錦州副都統奕榕著一併會
議欽此欽遵並由軍機處交出從前辦理查禁地畝各摺片地圖臣

等定期齊集內閣公同閱看查額勒和布等原奏內稱本年二月

三十日准

盛京將軍衙門文稱據民人何名慶等私越開墾呈請納課咨送奉

天府委員究辦據稱奉天旺清門外六道河等處聚積數十萬

家墾地數百萬晌請照吉林五常堡開荒成案一律升科等情查

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



邊外創地已成律坐軍罪何名慶等公然自首其為恃眾嘗試不問可知如因聚集既繁開墾已廣因勢利導准其升科固屬一勞永逸之計而設立牌甲編查戶口丈量地畝分別等則稍或用人之當辦理失宜貽患亦非淺鮮况邊外東界朝鮮其中有無窒礙尤須查明舊章斟酌盡善等不敢稍涉遷就致誤事機請飭廷臣集思廣益詳慎辦理等語臣等詳查舊制於

國朝發祥之

盛京附近一帶特留數千里之沃壤荒山沿邊設門定制森嚴其中
深謀遠慮誠有不可殫述者凡屬臣工孰敢輕議

歷朝舊章妄獻展邊之策如道光二十六七年將軍奕湘侍郎柏葰等
恣遵守成例將私墾地畝一律平毀流民照例治罪同治二年
御史吳台壽請開奉省荒地一摺經將軍玉明覆奏以諸多窒
礙副都統恩合覆奏頗屬詳明二次所奏亦以事關重大未敢率
行試辦况畿陽鳳凰等邊門與朝鮮之各浦堡接壤所關尤鉅

康熙年間曾將沿邊近處流民蓋屋墾地嚴行禁止乾隆年間復於鳳凰城樹柵之外特留空地百餘里使內外隔截以免流民混迹伏讀

聖諭具有深意雖歷任將軍副都統等遵照定章取具並無私墾切結存案而邊荒地闊防檢難周現在所墾地畝僅據何名慶等四人供稱已有數百萬晌此外尚不知凡幾該民人等竟敢冒罪自陳墾請升科納稅該侍郎府尹等雖明知事干例

禁亦不敢據實上聞其為驅除不易已可概見臣等伏思法
貴因時今昔之情形本難拘執治宜利導事機之緩急尤貴
變通與其守例而論禁兩窮何如就勢而撫綏較便檢查同

治二年將軍玉明呈繪地圖南至穀陽邊門北至英額邊門
東至護江西沿所有匪民在邊外山場佔蓋房間窩棚墾田
伐木各項營生其聚處之衆墾種之多瞭如指掌今若恪遵
舊制嚴行驅逐誠如額勒和布等所奏數十萬衆託業多年一

且奪其衣食必至抗而不遵鋌而走險竊恐重煩兵力臣等再四籌商並詳閱何名慶等供原難以該四人一面之詞指為確據而游墾處所究有戶口若干人田畝若干响地方遼濶種種實在情形無從懸揣必須澈底查究庶已墾之地可以覈實清查未墾之田仍當示以限制應請

欽派大臣前往會同將軍府尹等揀派明白曉事熟悉情形之員逐一詳加察勘辦理方有把握如果審時度勢有不能不俯順羣情藉

免起釁之處則設官立城稽查彈壓一切事務應如何詳定之章程
俟查勘大臣覆奏到日請

旨定奪至賦則一項應重應輕

朝廷本不爭此區區之課但能以彼處之所入供彼處之所需俾此等游
民各安生業不致更煩帑項別肇釁端亦未始非權宜之計然其
間有關風水地方仍當嚴行封禁不准稍涉游移該侍郎額勒和
布等所稱邊外東界朝鮮有無窒礙等語自為撫綏外藩起見惟

查每年與朝鮮會哨之時該國何以出與並無游民私墾切結且難^保無該國游民潛行越界私墾情事應由

欽派大臣一併查勘覆奏再行妥議遵辦倘事屬可行該將軍府尹等有地方之責務當宣示

朝廷格外恩施不咎其既往之愆仍予^以養生之路將來章程作何嚴定不致愈墾愈廣流弊滋多仍一併請

旨飭下該將軍府尹等嚴察邊門加意防範毋令游民任意潛越以重地

方而消隱患 臣等所議恐尚有未能周備及該地方民人能否一律安分衆情帖服之處統由查勘大臣詳察地勢博採輿情並檢查吉林五常堡升科成案通盤籌畫朝鮮沿邊情形亦可就

近查者一併奏聞至何名慶等四人現經府尹衙門看管並候查勘大臣抵瀋陽時或帶同前往或仍行羈留酌量辦理以免疎忽所有 臣等遵

旨會議緣由理合恭摺具陳伏乞

皇太后

皇上聖鑒

訓示遵行再此摺係由內閣主稿合併聲明謹

奏

諭旨

軍機大臣 字寄

禮部

盛京將軍都 戶部右侍郎廷 兼管奉天府府尹額 錦州副都

統奕 奉天府府尹恩

同治六年五月二十日奉

上諭前據額勒和布等奏游民私墾禁地呈請升科請飭集議並陳與將軍都興阿等等籌商兩歧各摺片當派恭親王會同大學士六部九

卿議奏並令奕榕會議茲據王大臣等奏稱盛京附近一帶沃壤荒山
歷屆未敢輕議開墾而邊荒地濶防檢難周現在所墾地畝僅據何
名慶等供稱已有數百萬畝此外尚不知凡幾必須澈底查究庶已墾
之地可以核實清查未墾之地仍當示以限制請派王大臣前往會同察
勘請旨辦理等語著派都興阿延煦額勒和布奕榕恩錫揀派明白
曉事熟悉情形之員逐一詳加察勘並著延煦恩錫奕榕進山查勘
如果審時度勢不能不俯順輿情所有一切應辦事宜應如何詳定

章程俟查勘覆奏到時再降諭旨其有關風水者仍當封禁不得妄
議開墾至東界朝鮮地方有無窒礙自當妥籌撫綏俾該國猜疑悉
泯著禮部行文該國告以遽行驅逐恐失業匪民轉致騷擾該國邊境
民人亦難保無潛行越界私墾情事令其先行詳查或擬作何安插之
處迅速核復一面俟延煦等查勘定議後再行酌度辦理都與阿等務
當宣示朝廷格外恩施不咎其既往之愆仍予以謀生之路至該省歷
任將軍及各部曾經查勘侍郎朝廷寬大之恩既概恕其失察此次

查辦各員務須籌畫萬全嚴定章程加意防範以期一勞永逸並檢
查吉林五常堡升科成案通盤籌畫朝鮮沿邊情形亦著就近察
看具奏何名慶等四人著帶同前往酌度妥辦原摺均著抄給閱看將
此各諭令知之欽此遵

旨寄信前來

將軍都

單銜

奏為前陳邊外情形 未經會銜

聖恩寬大概恕失察之咎謹將感愧愚忱恭摺奏

聞仰祈

聖鑒事竊 於五月二十五日承准軍機大臣字寄同治六年五月二十日奉

上諭前據額勒和布等奏游民私墾禁地呈請升科請飭集議並陳與

將軍都 等籌商兩歧各摺片當派恭親王會同大學士六部九卿議

奏並令奕 會議茲據王大臣等奏稱盛京附近一帶沃壤荒山歷屆
未敢輕議開墾而邊荒地濶防檢難周現在所墾地畝僅據何名慶
等供稱已有數百萬晌此外尚不知凡幾必須澈底查究庶已墾之
地可以覈實清查未墾之地仍當示以限制請派王大臣前往會同
查勘請旨辦理等語著派都興阿延煦額勒和布奕榕恩錫揀派
明白曉事熟悉情形之員逐一詳加查勘並著延煦恩錫奕 進山
查勘如果審時度勢不能不俯順輿情所有一切應辦事宜應如

何詳定章程俟察勘覆奏到時再降諭旨其有闕風水者仍當封
禁不得妄議開墾至東界朝鮮地方有無窒礙自當妥籌撫綏俾該
國猜疑悉泯著禮部行文該國告以遠行驅逐恐失業匪民轉致搔擾
該國邊境且該國邊境民人亦難保無潛行越界私墾情事令其先
行詳查或擬作何安插之處迅速覈覆一面俟延煦等查勘定議後
再行酌度辦理都 等務當宣示朝廷格外恩施不咎其既往之愆
仍予以謀生之路至該省歷任將軍及各部曾經查勘侍郎朝廷寬大

之恩既概恕其失察此次查辦各員務須籌畫萬全嚴定章程加意防範以期一勞永逸並檢查吉林五常堡升科成案通盤籌畫朝鮮沿邊情形亦著就近察看具奏何明慶等四人著帶同前往酌量妥辦原摺均著抄給閱看將此各諭令知之欽此遵

旨寄信前來欽奉之下 感愧之忱實難名狀惟有欽遵

諭旨派員查勘合衷商酌籌畫萬全以期仰副

聖主慎重根本訓示周詳之至意查奉省邊外聚集游民歷年已久地

寬人衆並非一律皆係墾田滯碍殊多 自顧非材曷敢輕議妄
舉晝夜思維實無辦法亦不敢上煩

宸厯近年奉省軍威不振元氣未復設有梗阻進止兩難易啟游民輕
視之心內地伏莽乘隙待動更屬堪虞深恐前後難於兼顧是以
惟以練兵補救元氣為急期望本省聲威壯盛仰仗

皇上洪福餘匪肅清確有把握妄冀邊外游民或者亦稍生畏懼之心
化梗為良亦未可知 庸懦無能之見實深愧悚今既奉有

恩旨派員查勘 務期盡心竭力通盤籌畫萬全斷不敢稍存卸護仍
當一面督飭官兵勤加訓練亦不敢稍生疎懈但時當夏令邊外草
深樹密窪塘陷甸人馬難行派員查勘勢須稍緩俟禮部飭查朝
鮮覆文到後酌定辦理尤臻妥善所有 感愧愚忱謹恭摺奏

聞伏祈

皇太后

皇上聖鑒謹

奏於六月十四日軍機大臣奉

旨知道了著即會同延煦等悉心籌畫以為久安長治之計毋負委任

欽此

侍郎延
欽差府尹恩
將軍都

奏為遵

旨進山查勘先期咨會朝鮮定地接見恭摺奏

聞仰祈

聖鑒事竊等於八月三十日承准軍機大臣字寄八月二十五日奉

上諭前據禮部接准朝鮮國王來咨當派恭親王會同大學士六部九卿議

奏茲據奏稱游民墾荒有無窒礙該處情形無由懸揣請飭都興阿

等妥立章程再行酌奪等語都興阿等奉派查勘此事關係綦重該游民開墾之地東界朝鮮若不謀畫萬全殊失朝廷字小之意該國王現已派員赴該地方聽候查辦著奕迅將勦匪事宜辦竣剋期會同延煦等帶領恩進山查勘就近與該國委員將地方情形通盤籌畫並與都和衷商酌以期中外兼籌永杜後患其如何籌辦之處著即妥立章程詳細覆奏候旨定奪恭親王等原奏及朝鮮國來咨均著鈔給閱看等因欽此遵

旨寄信前來 琴延煦等應即欽遵會同進山查勘就近與朝鮮國
委員酌度情形妥籌辦理惟查向來每遇

欽差前赴朝鮮均出鳳皇邊門至中江卡倫地方入朝鮮境至每屆三年

欽派大員出邊巡查則係由旺清邊門至穀江西岸頭道溝地方與朝鮮

27

委員會哨頭道溝卡倫與中江卡倫相距八九百里今朝鮮國咨
稱差兵曹叅判鄭周應滿浦僉使李義明前往該地方聽候辦
理等語其所謂該地方者並未指明何處恐致彼此相左若待請

旨遵行又不免多需時日。祭延煦等與祭都興阿等公同商酌擬於九月十五後啟程先由鳳皇門外沿邊一帶查勘一面咨會朝鮮國王飭知該委員先期在中江卡倫地方聽候接見等辦以免路途參差

除咨

盛京禮部即轉咨朝鮮國王知照並俟定期起身再行

奏報外所有祭延煦等遵

旨進山查勘先期咨會朝鮮定地接見緣由謹合詞恭摺由驛奏

聞伏祈

皇太后

皇上聖鑒謹

奏

